

## II - ARABAKO LURRALDE HISTORIKOAREN TOKI ADMINISTRAZIOA

### VITORIA-GASTEIZKO UDALA

#### EKONOMIA SUSTAPENAREN, ENPLEGUAREN, MERKATARITZAREN ETA TURISMOAREN SAILA

**Tokiko Gobernu Batzarrek 2026ko maiatzaren 29an hartutako erabakiaren laburpena, zeinaren bidez honako honen deialdi publikoa eta oinarriak onetsi diren: Vitoria-Gasteiz udalerriko txiki-zkako merkataritzaren sektoreko enpresetan belaunaldi-erleboia sustatzeko laguntzak, 2026an**

BDNS(Identif.): 914225.

Diru-laguntza orokorre buruzko azaroaren 17ko 38/2003 Legearen 17.3.b eta 20.8.a artikuluetan ezarritakoaren arabera, deialdiaren laburpena argitaratzen da. Horren testu osoa datu base nazionalan aurki daiteke. Diru-laguntzak: (<https://www.infosubvenciones.es/bdnstrans/GE/es/convocatoria/914225>).

Dirulaguntzak emateari buruzko azaroaren 17ko 38/2003 Legearen 17.3.b eta 20.8.a artikuluetan aurreikusitakoaren arabera, deialdiaren laburpena argitaratzen da; horren testu osoa Espainiako Dirulaguntzen Datu Base Nazionalan (<http://www.pap.minhap.gob.es/bdnstrans/index>) eta Vitoria-Gasteizko Udalaren webgunean (<http://www.vitoria-gasteiz.org>) kontsulta daiteke.

#### Lehenengoa. Onuradunak

Merkataritza-jardueraren bat izan, eta honako betekizun hauek betetzen dituzten pertsona fisiko nahiz juridikoak: enpresa txikiaren betekizunak betetzea eskaera aurkezteko unean, hau da, 50 langile baino gutxiago izatea eta negozio-bolumena edo urteko balantze orokorra 10 milioi eurotik gorakoa ez izatea; lehen aipatutako betekizun horietakoren bat betetzen ez duten enpresek inotzari ez izatea, edo haiek partaidetza nagusia ez izatea enpresan; jarduera utzi duen enpresak egiten zuen jarduerari jarraipena ematea, eta kokaleku berean; betebeharrak fiskalak, Gizarte Segurantzarekikoak eta Vitoria-Gasteizko Udalarekikoak egunean edukitzea, edo, halakorik ezean, baina beste administrazio batzuetan tributatuak ordaintzeko betebeharrak badu, beste administrazio horiekikoak; horiez gain, aurreko ekitaldietan ildo honetako dirulaguntzen onuradun izan ez izana laguntza honen barruan dauden ekintza eta gastuengatik.

Halaber, eskualdatutako negozioak gutxienez 6 urteko antzintasuna izan beharko du, eta ez igaro izana 12 hilabete baino gehiago jarduera utzi zenetik. Jarduera uztea honako arrazoi hauetakoren batengatik gertatu izana: erretiroa, edo negozioaren titularraren erretiro-adinetik hurbil egotea (55 urte edo gehiago) edo gerora sortutako arrazoiak (ezintasun iraunkor osoa, absolutua edo baliaezintasun handia) edo titularraren heriotza. Entitate eskualdatzailea merkataritza-sozietate bat, sozietate zibil bat edo ondasun-erkidego bat bada, gutxienez enpresako bazkideen erdiek bete beharko dituzte baldintza horiek.

Vitoria-Gasteizko udalerrian (menpeko toki-erakundeak barne) kokatuta egon beharko du negozioaren lokalak, industrialdeetan izan ezik. Lur-arasean kokatuta egon beharko du lokalak, erakusleia eduki behar du, eta jendearentzat irekita egon, ohiko merkataritza-ordutegian. Azoketako nahiz merkataritza-zentro edo -galeria pribatuetako establezimenduak ere aintzat hartu ahalko dira.

Azkenik, Ekonomia Jardueren gaineko Zergaren epigrafe hauetan alta emanda egon beharko du enpresak, eskabidean adierazitako lokalean/lokaletan sektoreari dagokion merkataritza-jarduera eduki beharko du, eta jendearentzat irekita egon, behintzat dirulaguntza eskatzen duenetik:

— 64: establezimendu iraunkorretan egiten den jangaien, edarien eta tabakoaren txikizkako merkataritza (salbuespenak: 646 tabako gaien eta erretzailearentzako artikuluen txikizkako salerosketa, eta 647.5 janari eta edarien horniketa, tabakoa salbu, makina automatikoen bitartez).

— 65: janariez bestelako produktuen salerosketa, txikizka, establezimendu iraunkorretan (salbuespenak: 652.1 farmaziak: botika eta osasun eta higiene produktuen salerosketa, txikizka; 654.3 airetiko ibilgailuen txikizkako salerosketa; 654.4 ibai eta itsasoko ibilgailuena; 654.5 makinena; 654.6 mota guztietako ibilgailuetarako gurpil-azalen, banden edo aire-ganberena; eta 655 erregai eta lubrifikatzaileen salerosketa, txikizka).

— 662,2: era guztietako salgaien salerosketa, txikizka.

— 691,1: etxeko tresna elektrikoen konponketa.

— 691,9: beste kontsumo-ondasun batzuk konpontzea, b.i.s.g.

Nolanahi ere, baztertuta geratzen dira sozietate publikoak eta zuzenbide publikoko entitateak, baita irabazi-asmorik gabeko entitateak eta elkarte- edo lanbide-jarduerak egiten dituztenak ere (elkartek, lanbide-elkargoak eta abar).

#### **Bigarrena. Xedea**

Vitoria-Gasteiz udalerriko txikizkako merkataritzaren sektoreko enpresetan belaunaldi-erreleboa sustatzeko dirulaguntzak norgehiagoka bidezko konkurrentzia-araubidean emateko baldintzak ezartzea.

Laguntza honen helburua da negozio bideragarriak ez ixtea eta haien jarraipena sustatzea, belaunaldi-erreleboaren bidez negozioak eskualdatzen lagunduz.

Oinarri hauen ondorioetarako, hau joko da belaunaldi-errelebotzat: negozio finkatuen eskualdaketa, zeina gertatzen baita negozioaren titularraren erretiroagatik edo erretiro-adinetik hurbil egoteagatik (55 urte edo gehiago) edo gerora sortutako arrazoiengatik (hala nola ezintasun iraunkor osoa, absolutua edo baliabiztasun handia, edo titularraren heriotza), halako moldez non merkataritza-jarduera beraren iraupena bermatzen den. Entitate eskualdatzailea merkataritza-sozietate bat, sozietate zibil bat edo ondasun-erkidego bat bada, gutxienez enpresako bazkideen erdiek bete beharko dituzte baldintza horiek.

Diruz lagundu daitezkeen ekintza eta gastutzat hartuko dira zuzeneko lotura dutenak belaunaldi-erreleboaren eta negozioa eskualdatzearen prozesuarekin; 2026ko urtarrilaren 1etik 2026ko irailaren 30era artekoak (egun hori barne) izan beharko dira.

Diruz lagundu daitezkeen ekintzak eta gastuak bi taldetan banatzen dira:

— Merkataritza-enpresa baten erreleboa: txikizkako merkataritzako negozio finkatu baten titulartasuna eskuratzen duten pertsona fisiko edo juridikoak, betiere negozio horrek aurrez aipatutako arrazoiengatik utzi badu jarduera eta negozio berriak ekonomia-jardueren gaineko zergan aurreko negozioaren epigrafe eta lokal berean egin badu alta.

— Enpresa-transmisioko prosezua formalizatzeari lotutako gastuak: notariotza-gastuak eta aholkularitza eta laguntza teknikoarekin zerikusia duten gastuak, eskualdaketa- eta lagapen-akordioei, balorazioari, familia-protokoloari, erregistroari eta besteri dagozkionak. Negozioaren ondasunak eta eskubideak eskualdatzeari dagozkion gastuak (merkataritza-funtsa, ekipamendua...). Gastu horiek negozioa edo jarduera eskualdatzeko edo saltzeko kontratu batean gauzatu beharko dira, eta kontratu horretan guztirako prezioa, ondasunen eta eskubideen xehakatzeari eta kontratuaren objektua jaso beharko dira.

**Hirugarrena. Oinarri arautzaileak**

2023ko apirilaren 21ean egindako ohiko bilkuran, Vitoria-Gasteizko Udalbatzak erabaki zuen Vitoria-Gasteizko Udalaren Dirulaguntzen Ordenantza Orokorrari hasierako onespena ematea. Behin betiko ordenantza 2023ko uztailaren 28ko ALHAOn argitaratu zen (88. zenbakia), eta 2023ko urriaren 1ean jarri zen indarrean. Ordenantzaren xedea da Vitoria-Gasteizko Udalaren dirulaguntzak emateko prozeduraren oinarri arautzaile orokorrak ezartzea.

2026ko maiatzaren 29an onetsi zituen Tokiko Gobernu Batzarrak Vitoria-Gasteizko udalerriko txikizkako merkataritzaren sektoreko enpresetan belaunaldi-erreleboa sustatzeko laguntzen deialdiko oinarriak, 2026an. Bata eta bestea Udalaren webgunean ([www.vitoria-gasteiz.org](http://www.vitoria-gasteiz.org)) ikus daitezke, bai eta herritarrei laguntzeko bulegoetan ere.

**Laugarrena. Zenbatekoa**

Laguntza deialdi honek 100.000,00 euroko zuzkidura du, 2026rako onetsitako udal aurrekontuko 08.22.4314.471.02 partidaren kontura, honela izendatuta: Merkataritzan erreleboa egiteko, handitzeko eta dibertsifikatzeko plana.

Merkataritza-enpresa baten erreleboa atalean jasotako kontzeptua lagunduko da diruz, 2.000,00 euroko gutxieneko zenbatekoarekin, eta 7.000,00 euroko gehienekora iritsi ahal izango dira gehieneko puntuazioa (100 puntu) lortzen duten proiektuak. Puntuaziorik handienaren eta gutxienekoaren arteko gainerako proiektuei proportzio lineala aplikatuko zaie dirulaguntzaren zenbatekoa kalkulatzeko.

Enpresa-transmisioko prozesua formalizatzeari lotutako gastuak izenekoan dirulaguntza kalkulatzeko, diruz lagundu daitekeen zenbatekoari ehuneko 50a aplikatuko zaio, eta kontzeptu horretarako 5.000,00 euroko gehieneko dirulaguntza ezarri da.

**Bosgarrena. Eskabideak aurkezteko epea**

Oinarri hauek ALHAOn argitaratzen diren egunaren biharamunean hasiko da eskabideak aurkezteko epea, eta 2026ko irailaren 30ean (barne) bukatuko.

Eskaera bat aurkeztu beharko da jarraipena eman zaion negozio bakoitzeko.

Vitoria-Gasteiz, 2026ko maiatzaren 29

*Ekonomia Sustapenaren, Enpleguaren, Merkataritzaren eta  
Turismoaren Saileko Administrazio Zerbitzuko burua*  
**JOSEBA ANDONI GARCÍA-ARDANAZ ARDANAZ**